

清明节古诗词大全

1.
杨柳蔽杨村，桃花古渡昏。清明犹作客，白日正销魂。天地催时序，关河仗酒尊。何为千里梦，一夜落吴门。——顾闻《明日过杨村》
- 2.踏青寒食追游骑，赐火清明忝侍臣。——欧阳修《和较艺将毕》
3.
寒食清明等闲过，日长翻覆压书眠。——洪咨夔《清明二绝·梨花匝匝不见叶》
4.
一笠戴春雨，愁来不可遮。清明思上塚，昨夜梦还家。归兴随流水，伤心对落花。晋原松下泪，沾洒楚天涯。——戴复古《清明感伤》
5.
天下清明节，江南笋蕨天。乱生无事种，争卖不论钱。带醋香醒鼻，和糟味滑咽。季鹰莼菜念，徒更杂鱼鲜。——曾丰《丁未仲春思乡味会之乐简寄董伯虎》
6.
南北山头多墓田，清明祭扫各纷然。纸灰飞作白蝴蝶，泪血染成红杜鹃。日落狐狸眠冢上，夜归儿女笑灯前。人生有酒须当醉，一滴何曾到九泉。——高翥《清明》
7.
清明节，雨晴天，得意正当年。马骄泥软锦连乾，香袖半笼鞭。花色融，人竟赏，尽是绣鞍朱鞅。日斜无计更留连，归路草和烟。——薛昭蕴《喜迁莺·清明节》

8.濛濛烟雨网春晖，南陌清明二月时。——李弥逊《春雨》

9.内官初赐清明火，上相闲分白打钱。——韦庄《长安清明》

10.日落狐狸眠冢上，夜归儿女笑灯前。——高翥《清明日对酒》

11.

少日欢游处，逢春老大悲。强持杯酒劝，怕遣落花随。草木梁园在，山河宋殿移。上坟人尽返，岐路独含思。——李梦阳《庚辰清明东郭》

12.

满衣血泪与尘埃，乱后还乡亦可哀。风雨梨花寒食过，几家坟上子孙来？——高启《送陈秀才还沙上省墓》

13.一年谁似清明节，忍向天涯除破休。——赵蕃《舟中清明》

14.怀家寒食夜，中酒落花天。——赵长卿《临江仙·暮春》

15.

困人天气近清明，花信风来拂面轻。屏却鸣驺成独往，绿杨阴里听莺声。——王执礼《锦溪次赵令韵二首》

16.

花正芳，楼似绮，寂寞上阳宫里。钿笼金锁睡鸳鸯，帘冷露华珠翠。娇艳轻盈香雪腻，细雨黄莺双起。东风惆怅欲清明，公子桥边沉醉。——张泌《满宫花》

17.

小窗新绿着枝轻，寒逐东风阵阵生。燕子不来花落尽，一帘疏雨又清明。——刘涣《清明前一日作》

18.

清明对酒共天涯，欲赠龙泉转自嗟。——王穉登《清明日韦庄送朱在明南归》

19.

柳困花慵风力轻，脱禅衣袂过清明。——白玉蟾《春词七首·柳困花慵风力轻》

20.愁病春来次第加，清明寂寞类僧家。——文征明《清明日陈淳过访》

21.

景近清明节，垂杨翠缕长。塞鸿归朔漠，海燕渡潇湘。花丽繁争景，莺娇巧转簧。西园正明媚，收拾入吟乡。——朱淑真《春日有作》

22.

太守风流甚，吟笺写蜀麻。寻春何处客，映柳阿谁家。蜡炬传新火，朱栏发旧花。月光将欲满，特地炤铅华。——梅尧臣《依韵和三月十四日清明在席呈》

23.

田家复近臣，行乐不违亲。霁日园林好，清明烟火新。以文长会友，唯德自成邻。池照窗阴晚，杯香药味春。檐前花覆地，竹外鸟窥人。何必桃源里，深居作隐沦。——祖咏《清明宴司勋刘郎中别业》

24.春事到清明，十分花柳。——辛弃疾《感皇恩·滁州为范倅寿》

25.

梨花白白柳条青，闭阁焚香奈雨声。闻道清明明日是，江南风土只宜晴。——仇远《寒食雨三首》

26.

燕子飞来春又晚，去年曾此看清明。——苏洵《金陵杂兴二百首·白沙翠竹长干寺》

27.

风雨梨花寒食过，几家坟上子孙来？——高启《送陈秀才还沙上省墓》

28.冷澹清明节，萧疎斑白翁。——赵蕃《初六日呈明叔》

29.

雨霰疏疏经泼火。巷陌秋千，犹未清明过。——苏轼《蝶恋花·雨霰疏疏经泼火》

30.

上巳清明共一时，魏花开处亦连枝。前身应是唐宫女，犹记昭容双袖垂。——周必大《三月三日适值清明会客江楼共观并蒂魏紫偶成》

31.

相见未逾月，堪悲远别离。非君谁顾我，万里又南之。雨逼清明日，花阴杜宇时。愁看挂帆处，鸥鸟共迟迟。——李建勋《送人》

32.惆怅东栏一株雪，人生看得几清明。——苏轼《东栏梨花》

33.

燕子来时新社，梨花落后清明。池上碧苔三四点，叶底黄鹂一两声。日长飞絮轻。巧笑东邻女伴，采桑径里逢迎。疑怪昨宵春梦好，元是今朝斗草赢。笑从双脸生。——晏殊《破阵子·春景》

34.

过了清明日愈迟，年华不复在辛夷。——陆游《残春·过了清明日愈迟》

35.

常年寒食在京华，今岁清明在海涯。——徐铉《寒食成判官垂访因赠》

本文链接：<https://duanjuziku.com/duanjuzi/89fja9nz90.html>